

XEFATURA DE SERVIZO
CEDRO – XEFATURA
ÁREA DE BENESTAR
SOCIAL

CONCELLERÍA ÁREA DE
GOBERNO POLÍTICA SOCIAL
E TURISMO

CONCELLO
DE VIGO



Exp. n.º 2983/315 (2024)

ADDENDA Ó «CONVENIO DE COLABORACIÓN DA CONCELLERÍA DE POLÍTICA DE BENESTAR SOCIAL DO CONCELLO DE VIGO COA “ASOCIACIÓN ÉRGUETE PREVENCIÓN E INTERVENCIÓN EN CONDUTAS ADICTIVAS” E COA “FUNDACIÓN ÉRGUETE-INTEGRACIÓN” PARA O DESENVOLVEMENTO DUN PROGRAMA DE PISOS DE APOIO Á INCORPORACIÓN SOCIAL DE DROGODEPENDENTES E DUN PROGRAMA DE REDUCCIÓN DO DANO EN MEDIO ABERTO (“PROGRAMA SEREOS”) – ANOS 2023-2025».

En Vigo, na data da sinatura electrónica

COMPARECEN

Dunha parte,

A Concelleira da Área de goberno de Política Social e Turismo do Concello de Vigo, Dª Yolanda Aguiar Castro, asistida pola Secretaria de Goberno local, Dª Susana Gallardo Fariña.

Doutra parte,

Dª. Mª del Carmen Avendaño Otero, con DNI nº 35.956.947-N, Presidenta da “ASOCIACIÓN ÉRGUETE PREVENCIÓN E INTERVENCIÓN EN CONDUTAS ADICTIVAS”, CIF nº G-36.642.726 e da “FUNDACIÓN ÉRGUETE-INTEGRACIÓN”, CIF nº G-36.861.078, con enderezo social común na Avda. Martínez Garrido, nº 21, interior (CP 36205 Vigo).

INTERVEÑEN

Dª. Yolanda Aguiar Castro, na súa condición de Concelleira da Área de goberno de Política Social e Turismo do Concello de Vigo, de acordo coas Resolucións da Alcaldía – Presidencia de estruturación dos servizos corporativos do Concello de Vigo e delegación de competencias, xenéricas e específicas, nos/as concelleiros/as (2023-2027) e, en particular, coa Resolución do 30.06.2023 de delegación de competencias na Área de Goberno de Política Social e Turismo (BOPPO n.º 136, do 14.07.2023).

Dª. Mª del Carmen Avendaño Otero, actuando en representación da Asociación “ÉRGUETE” e da Fundación “ÉRGUETE-Integración”, segundo así resulta dos seus estatutos e da documentación achegada ó expediente nº 2936/315 (2023), asegurando a comparecente que tales facultades non lle foron revogadas.

Dª. Susana Gallardo Fariña, Secretaria de Goberno local, ós meros efectos de asistencia á Sra. Concelleira delegada e dación da fe pública no outorgamento do presente documento.

Páxina | 1



XEFATURA DE SERVIZO
CEDRO – XEFATURA
ÁREA DE BENESTAR
SOCIAL

CONCELLERÍA ÁREA DE
GOBERNO POLÍTICA SOCIAL
E TURISMO

CONCELLO
DE VIGO



As comparecentes, no concepto en que interveñen, recoñécense recíprocamente a lexitimación e a capacidade legal necesaria para o outorgamento e formalización da presente Addenda e, como antecedentes e motivación deste acordo de vontades,

EXPOÑEN

I. O 21.03.2023 foi asinado polas partes o «CONVENIO DE COLABORACIÓN DA CONCELLERÍA DE POLÍTICA DE BENESTAR SOCIAL DO CONCELLO DE VIGO COA “ASOCIACIÓN ÉRGUETE PREVENCIÓN E INTERVENCIÓN EN CONDUTAS ADICTIVAS” E COA “FUNDACIÓN ÉRGUETE-INTEGRACIÓN” PARA O DESENVOLVEMENTO DUN PROGRAMA DE PISOS DE APOIO Á INCORPORACIÓN SOCIAL DE DROGODEPENDENTES E DUN PROGRAMA DE REDUCCIÓN DO DANO EN MEDIO ABERTO (“PROGRAMA SEREOS”) – ANOS 2023-2025», aprobado previamente na sesión ordinaria da Xunta de Goberno Local do 16.03.2023 (Exp. nº 2936/315).

II. O obxecto dese Convenio de colaboración era a regulación dos termos da concesión da subvención directa prevista nominativamente nos orzamentos xerais do Concello de Vigo a favor de “ÉRGUETE” para a realización da actividade do programa de pisos de apoio á incorporación social de drogodependentes e do Programa SEREOS.

III. Na súa Estipulación Segunda estableceuse o seguinte:

«O Concello de Vigo (...) comprométese a conceder directamente á Asociación Érguete e á Fundación Érguete-Integración, unha subvención para cada un dos exercicios de 2023, 2024 e 2025, por un importe de 57.000€/ano co obxecto de coadxuvar ó financiamento das actividades do programa de pisos de apoio á incorporación social de drogodependentes e do Programa SEREOS.

En concreto, destinarase durante o periodo 2023-2025 a cantidade de 45.000€/ano ó desenvolvemento do programa de pisos de apoio da Asociación Érguete e 12.000€/ano á execución do Programa SEREOS da Fundación Érguete-Integración.

As achegas correspondentes a futuros exercicios (2024 e 2025) estarán condicionadas á existencia de crédito adecuado e suficiente nos correspondentes orzamentos municipais e, loxicamente, tamén ó cumprimentos dos obxectivos fixados».

IV. Con todo, nos orzamentos anuais para o exercicio de 2024, aprobados definitivamente polo Pleno do Concello de Vigo en sesión do 27.12.2023 (Exp. nº 80/142; BOPPO nº 249, do 29.12.2023), figura consignado, na aplicación orzamentaria nº 3112.489.00.00 (– “CONV. ERGUETE ALOXAMENTO ALTERNATIVO E PRO.SEREOS”), un importe de 65.151,00€, polo que resulta preciso proceder, mediante esta Addenda, á modificación daquela Estipulación do Convenio.

V. En efecto, a teor do previsto na súa Estipulación Quinta: «Calquera alteración do contido deste Convenio precisará do acordo das partes asinantes e da autorización municipal do órgano competente e se intrumentará mediante a correspondente Addenda».

Tendo en conta o anteriormente exposto as partes,



Copia do documento - Concello de Vigo	Data impresión: 23/02/2024 11:09	Páxina 2 de 3
2983-315	CSV: A1A548-BH5A8A-518DAD-DANGYZ-CRSFFT-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

XEFATURA DE SERVIZO
CEDRO – XEFATURA
ÁREA DE BENESTAR
SOCIAL

CONCELLERÍA ÁREA DE
GOBERNO POLÍTICA SOCIAL
E TURISMO

CONCELLO
DE VIGO



ACORDAN

«PRIMEIRO: Modificar a Estipulación Segunda do «CONVENIO DE COLABORACIÓN DA CONCELLERÍA DE POLÍTICA DE BENESTAR SOCIAL DO CONCELLO DE VIGO COA “ASOCIACIÓN ÉRGUETE PREVENCIÓN E INTERVENCIÓN EN CONDUTAS ADICTIVAS” E COA “FUNDACIÓN ÉRGUETE-INTEGRACIÓN” PARA O DESENVOLVEMENTO DUN PROGRAMA DE PISOS DE APOIO Á INCORPORACIÓN SOCIAL DE DROGODEPENDENTES E DUN PROGRAMA DE REDUCCIÓN DO DANO EN MEDIO ABERTO (“PROGRAMA SEREOS”) – ANOS 2023-2025», que quedará coa seguinte redacción:

«O Concello de Vigo (...) comprométese a conceder directamente á Asociación Érguete e á Fundación Érguete-Integración, unha subvención para os exercicios de 2024 e 2025, por un importe de 65.151,00€/ano co obxecto de coadxugar ó financiamento das actividades do programa de pisos de apoio á incorporación social de drogodependentes e do Programa SEREOS.

En concreto, destinarase durante o periodo 2024-2025 a cantidade de 51.435,00€/ano ó desenvolvemento do programa de pisos de apoio da Asociación Érguete e 13.716,00€/ano á execución do Programa SEREOS da Fundación Érguete-Integración.

A achega correspondente ó exercicio de 2025 (último ano de vixencia do Convenio), outros 65.151,00€, estará condicionada á existencia de crédito adecuado e suficiente nos correspondentes orzamentos municipais e, loxicamente, tamén ó cumprimentos dos obxectivos fixados».

SEGUNDO: O réxime de pagamentos será semellante ó establecido na Estipulación Sétima do Convenio subscrito en 2023, pagándose o 50% (Asoc. Érguete: 25.717,50€ - Fund. Érguete: 6.858€) logo da asinatura da Addenda e o 50% restante unha vez xustificadas os gastos realizados ata o 01 de novembro do correspondente exercicio. Para poder realizar o pagamento anticipado previsto será necesario que a entidade presente unha declaración responsable de que non está incurso en ningunha das prohibicións e/ou circunstancias indicadas no Art. 34.4 pfo. 3º da L.38/2003, do 17 de novembro, xeral de subvencións, como impeditivas para a realización de pagamentos anticipados a beneficiarios de subvencións.

TERCEIRO: A presente Addenda estará en vigor durante a vixencia que resta do Convenio».

E en proba de conformidade, as partes asinan esta Addenda, por duplicado exemplar, na data expresada no encabezamento, de todo o que eu, como Secretaria de Goberno local, dou fe.

POLO CONCELLO DE VIGO
A CONCELEIRA DA ÁREA DE GOBERNO DE POLÍTICA SOCIAL E TURISMO,
Asdo.: Yolanda Aguiar Castro

Perante mín,
A SECRETARIA DE GOBERNO LOCAL,
Asdo.: Susana Gallardo Fariña

POLA “ASOCIACIÓN ÉRGUETE PREVENCIÓN E INTERVENCIÓN EN CONDUTAS ADICTIVAS” E A “FUNDACIÓN ÉRGUETE-INTEGRACIÓN”,
Asdo.: Mª del Carmen Avendaño Otero

